



Swyddfa Gartref

**Ymateb y Llywodraeth
i Ymgynghoriad y Swyddfa
Gartref ar y newidiadau arfaethedig
i Ddeddf Gwenwynau (1972),
Rheolau Gwenwynau (1982),
Rhestr Gwenwynau (1982)
a diwygiadau cysylltiedig**

Cynnwys

1. Cyflwyniad a chrynodeb
 - a. Cefndir
 - b. Y broses ymgynghori
 - c. Bwrdd Gwenwynau
 - d. Proffil o'r ymatebwyr
 - e. Penderfyniadau yn deillio o'r ymgynghoriad
 - f. Camau nesaf
2. Y materion a godwyd yn ystod yr ymgynghoriad
 - a. Trosolwg
 - b. Problemau yn ôl math

Atodiad A - Crynodeb o'r Ymatebion

Atodiad B – Rhestr o'r sefydliadau a dargedwyd

Cyflwyniad a chrynodeb

a. Cefndir

Mae'r ddogfen hon yn ymateb ymgynghoriad cyhoeddus y Swyddfa Gartref a lansiwyd ar 21 Tachwedd 2013 ar y newidiadau arfaethedig i Ddeddf Gwenwynau (1972), Rheolau Gwenwynau (1982), Rhestr Gwenwynau (1982) a diwygiadau cysylltiedig. Roedd yr ymgynghoriad yn rhan o thema adwerthu yr Her i Fiwrocratiaeth, sy'n anelu at gael gwared ar feichiau rheoleiddiol diangen ar fusnesau.

Dylid ei ddarllen ochr yn ochr ag ymateb y Llywodraeth i'r ymgynghoriad ar weithredu rheoliad yr Undeb Ewropeaidd ar farchnata a defnyddio rhagsylweddion ffrwydrion yn y Deyrnas Unedig.

Roedd yr ymgynghoriad a'r asesiad effaith yn ceisio barn grwpiau y byddai'n effeithio arnynt am y dewisiadau polisi arfaethedig, ac yn anelu at gryfhau tystiolaeth am effaith pob dewis ar y prif grwpiau y byddai'n effeithio arnynt.

Mae'r adroddiad hwn yn crynhoi'r ymatebion i'r ymgynghoriad ac yn nodi cynnig polisi terfynol y Llywodraeth.

b. Y broses ymgynghori

Roedd y dogfennau ymgynghori yn ceisio barn ar effaith posibl y dewisiadau polisi arfaethedig ar ddefnyddwyr cartref, cyflenwyr, defnyddwyr busnes, ffurfwyr a fferyllfeydd. Roedd y dogfennau yn rhoi manylion am y ffordd y gallai'r dewisiadau arfaethedig weithio yn ymarferol, ac roedd yn rhoi manylion y costau posibl a'r beichiau gweinyddol.

Cychwynnodd yr ymgynghoriad ar 21 Tachwedd 2013 a daeth i ben ar 9 Ionawr 2014.

Hysbyswyd y cymdeithasau, busnesau a grwpiau diddordebau sy'n ymwneud â defnyddio gartref, defnydd busnes, gwerthu, gweithgynhyrchu, dosbarthu a ffurfio cemegolion sy'n dod dan gwmpas y diwygiadau arfaethedig i'r rheolaeth bresennol am yr ymgynghoriad. Fe wnaethom ofalu ein bod yn ymgynghori â busnesau bach a chanolig, adwerthwyr mawr, cymdeithasau cynrychioliadol a fferyllfeydd. Cynhaliwyd swm sylweddol o ymchwil ar ffurf cyfweiliadau un i un cyn yr ymarfer ymgynghori.

Mae rhestr o'r sefydliadau a dargedwyd ynghlwm yn Atodiad B.

Defnyddiwyd cyfuniad o gwestiynau caeedig ac agored i gynorthwyo i ddadansoddi'r ymatebion. Hoffai'r Swyddfa Gartref ddiolch i bawb oedd â diddordeb am roi'r amser i ymateb i'r ymgynghoriad. Rydym wedi ystyried eich barn yn ofalus iawn.

c. Y Bwrdd Gwenwynau

Hoffai'r Swyddfa Gartref gydnabod cyfraniad penodol y Bwrdd Gwenwynau, corff ymgynghorol statudol o arbenigwyr o bob rhan o'r Llywodraeth, y byd academiaidd a diwydiant. Bu cyngor gwyddonol arbenigol y Bwrdd yn allweddol fel sail i'n cynigion polisi yn y maes hwn.

d. Proffil o'r ymatebwyr

Derbyniodd y Swyddfa Gartref gyfanswm o 36 o ymatebion. Mae'r ffigyrau a restrir isod wedi eu talgrynnu i fyny neu i lawr i'r pwynt canran agosaf.

Roedd yr ymatebwyr yn cynnwys:

- Fferyllfeydd (12%);
- Defnyddwyr gwenwynau Rhan 1 a/neu Ran 2 yn y cartref (25%);
- Defnyddwyr busnes, cyfanwerthwyr a dosbarthwyr, ac adwerthwyr (21%);
- Cymdeithasau proffesiynol (gan gynnwys cymdeithasau cynrychioliadol a rheoleiddwyr a'r byd academiaidd (38%); ac
- Aelodau o'r cyhoedd gyda diddordeb llai penodol (3%).

Gwelir manylion am yr ymatebion i'r cwestiynau a ddewiswyd yn yr arolwg ymgynghorol yn Atodiad A.

e. Penderfyniadau yn deillio o'r ymgynghoriad

Mae'r Llywodraeth wedi ystyried yr ymatebion i'r ymgynghoriad yn ofalus a'r dewis a ddewiswyd yw Dewis 2:

Dewis 2 yw ei gwneud yn ofynnol i ddefnyddwyr cartref gael trwydded cyn prynu gwenwyn ar y Rhestr Rhan 1 gan fferyllfa gofrestredig. Byddai gwenwynau Rhan 1 a Rhan 2 yn gofyn am roi adroddiadau trafodion amheus, dwyn a cholledion arwyddocaol ar gyfer gwerthiannau busnes i fusnes, a gwerthiannau i'r cyhoedd yn gyffredinol.

Bydd y gofyn i adwerthwyr yn gwerthu gwenwyn Rhan 2 dalu am drwydded flynyddol gan eu Hawdurdod Lleol yn cael ei ddiddymu.

Bydd yn ofynnol i Fferyllfeydd labelu gwenwynau Rhan 1 gan nodi bod eu 'caffael, meddiannu neu ddefnydd gan y cyhoedd yn gyffredinol yn cael ei gyfyngu'.

Rydym wedi ystyried y nifer o faterion pwysig a godwyd yn ystod yr ymgynghoriad a byddwn yn defnyddio'r manylion a roddwyd gan ymatebwyr i ddatblygu dull ymarferol a syml o weithredu'r rheoliad.

f. Camau nesaf

Y dull gorau gan y Llywodraeth yw cael y diwygiadau arfaethedig i gyd-redeg â'r Rheolaeth ar Wenwynau trwy weithredu rheoliad yr Undeb Ewropeaidd ar gyfer marchnata a defnyddio cemegolion sy'n rhagsylweddion i ffrwydron. Y dyddiad cau o ran trawsosod rheoliad yr Undeb Ewropeaidd yw 2 Medi 2014. Er mwyn paratoi at weithredu, bydd y Swyddfa Gartref yn:

- Drafftio'r ddeddfwriaeth a'r cyfarwyddyd sy'n ofynnol i weithredu'r polisi a sicrhau bod y rhain ar gael i San Steffan;
- Paratoi cyfarwyddyd ar-lein a deunyddiau hyfforddi i fusnesau a gweithio gyda chyrff y diwydiant i rannu'r polisi;
- Paratoi cyfarwyddyd ar-lein i ddefnyddwyr cartref ar pryd a sut i wneud cais am drwydded;
- Sefydlu awdurdod trwyddedu a phroses gymesur i lunio penderfyniad ar ymgeiswyr addas;
- Paratoi hyfforddiant a chyfarwyddyd i'r Heddlu ar faterion gorfodi fel pryniannau prawf i'w cynnal ar hap neu ar sail adroddiad am ddiffyg cydymffurfio; a
- Datblygu cynllun cyfathrebu i godi ymwybyddiaeth o'r gofynion newydd ymhlith y grwpiau y mae'n effeithio arnynt.

Y materion a godwyd yn ystod yr ymgynghoriad

a. Trosolwg

Ymatebodd amrywiaeth o gyrff ac unigolion i'r ymgynghoriad gan gyflwyno ymatebion yn ysgrifenedig ac ar-lein. Roedd y sefydliadau a ymatebodd yn cynrychioli barn yr adwerthwyr, arbenigwyr academiaidd, cyflenwyr busnes i fusnes, fferyllwyr a defnyddwyr cartref.

Mae'r canlynol yn grynodeb byr o'r materion a godwyd gan sefydliadau.

Adwerthwyr

Y pryder a fynegwyd yn fwyaf cyffredin gan adwerthwyr nad oeddynt yn arbenigol oedd natur oddrychol rhoi adroddiad am drafodion amheus. Codwyd pryderon hefyd am y baich posibl o ail hyfforddi staff i fod yn ymwybodol o'r gofynion newydd. Galwodd yr ymatebwyr am gyngor clir a syml gan y llywodraeth ar beth allai fod yn drafodion amheus, a'r camau i'w cymryd petai un yn cael ei ganfod.

Cyflenwyr busnes i fusnes

Y pryder a fynegwyd yn fwyaf cyffredin gan adwerthwyr busnes i fusnes oedd y cynnig yn Newis 2 i nodi defnydd y cynnyrch yr effeithir arnynt fel rhai 'cyfyngedig' ar label y cynnyrch. Roedd pryderon am ymarferoldeb y cynnig hwn petai'r sylweddau yn cael eu prynu o'r tu allan i'r Deyrnas Unedig.

Defnyddwyr yn y cartref

Y pryder a fynegwyd yn fwyaf cyffredin gan ddefnyddwyr cartref gwenwynau ar Ran 1 y Rhestr Wenwynau oedd (I) cost bosibl cael trwydded; a (II) byddai'n rhoi baich anghymesur ar nifer fechan o ddefnyddwyr. Nododd rhai ymatebwyr y gallai'r gost atal gweithgareddau cyfreithlon fel defnydd ar gyfer hobiau, yn arbennig pan na ddefnyddir ond ychydig iawn o'r cemegolion cyfyngedig.

b. Problemau yn ôl math

Materion economaidd/gweinyddol

Mater	Ymateb y llywodraeth
<p><u>Trwyddedu</u></p> <p>Dewisodd 44% o'r ymatebwyr Ddewis 2 fel eu hoff ddewis. Derbyniodd agwedd drwyddedu'r cynnig gefnogaeth eang gan groestoriad o adwerthwyr, busnesau, fferyllfeydd a defnyddwyr yn y cartref. Roedd un ymatebwr yn meddwl y byddai'r gofyn am drwydded i ddefnyddwyr Gwenwynau Rhan 1 yn y cartref yn ychwanegu sicrwydd bod gan y prynwr reswm dilys dros brynu'r cynnyrch cyfyngedig.</p> <p>Dywedodd 64% o'r ymatebwyr y byddai Dewis 2 yn bodloni'r amcanion polisi o:</p> <ul style="list-style-type: none">• Sicrhau bod rheolaeth ar wenwynau yn effeithiol gan ddal i ganiatáu gwerthiannau cyfreithlon;• Sicrhau bod baich yn cael ei roi yn briodol ar y rhai sydd mewn perygl o ddefnyddio'r sylweddau i achosi niwed; a• Lleihau beichiau trwy weithredu ar yr un pryd ag yn yr un modd â Rheoliad Marchnata a Defnyddio Rhagsylweddion Ffrwydron yr Undeb Ewropeaidd. <p>Byddai 46% o ddefnyddwyr cartref yn parhau i brynu sylweddau ar Restr Gwenwynau Rhan 1 petai trwydded yn ofynnol ond roedd pryderon am y gost bosibl.</p>	<p>Mae'r Llywodraeth o'r farn y bydd trwyddedu yn caniatáu i ddefnyddwyr cyfreithlon yn y cartref brynu gwenwynau Rhan 1 ac i barhau eu gweithgareddau pan nad oes cemegolion eraill addas. Mae'n cadw'r baich ar adwerthwyr cyn lleied â phosibl. Mae hefyd yn cynnig cyfle i wirio addasrwydd yr unigolyn a'r defnydd a fwriedir ar y cemegolion cyn eu prynu, eu meddiannu a'u defnyddio. Bydd cysoni'r polisi gyda rheolaeth gemegol arall (y rheoliad rhagsylweddion ffrwydron) yn ei gwneud hi'n haws i fusnes ddeall a chydymffurfio.</p> <p>Dywed canllawiau'r Trysorlys y dylai'r Llywodraeth geisio adfer yr holl gostau ar drefniadau trwyddedu. Mae'r Swyddfa Gartref yn ymroddedig i weithredu system effeithlon a chost effeithiol, felly rydym yn archwilio'r dewisiadau i ddefnyddio systemau a gweithdrefnau gweinyddol sy'n bodoli i leihau costau. Rydym yn gweithio i sicrhau bod cost cael trwydded ar gyfer defnyddwyr cartref yn rhesymol.</p> <p>Gall ymgeiswyr wneud cais am drwydded aml-ddefnydd ac aml-sylwedd.</p> <p>Mae'r Swyddfa Gartref yn datblygu gwasanaeth ymgeisio a thalu ar-lein ac mae'n bwriadu sicrhau bod cyfarwyddyd clir ar gael</p>

<p>Roedd yr ymatebwyr yn bryderus am y beichiau y byddai trwyddedu yn ei roi ar ddefnyddwyr cyfreithlon.</p>	<p>i bawb y mae'r rheoliad yn effeithio arno. Bydd hyn yn cynnwys llinellau i fusnesau eu defnyddio wrth roi gwybod i gwsmeriaid am y newidiadau rheoliadol.</p> <p>Bydd y Swyddfa Gartref yn rhoi ffurflen ar-lein lle gall yr adwerthwr ddewis cofnodi cyfeirnod y drwydded a manylion adnabod eraill y deiliad e.e. dyddiad geni i wirio dilysrwydd y drwydded mewn cymhariaeth â chronfeydd data'r Swyddfa Gartref. Er effeithlonrwydd, bydd un gronfa ddata ar gyfer trwyddedau rhagsylweddion ffrwydron a gwenwynau.</p>
<p><u>Symud sylweddau dros y crynodiad ar Ran 2 y Rhestr Wenwynau i Ran 1</u></p> <p>Roedd yr ymgynghoriad yn cynnig (Dewis 3) sef symud yr holl wenwynau Rhan 2 sydd uwch ben y trothwy crynodiad presennol i Ran 1 fel mai dim ond fferyllwydd cofrestredig fyddai'n gallu eu gwerthu. Byddai angen i aelod o'r cyhoedd a fyddai'n dymuno prynu sylwedd ar Ran 1 y Rhestr Gwenwynau gofnodi ei fanylion personol yn y gofrestr wrth brynu.</p>	<p>Nid Dewis 3 yw'r dewis yr ydym yn ei ffafrio. Nid yw'n cynnig y cyfle i asesu addasrwydd yr unigolyn, ac nid yw'n cyflawni ein Hymrwymiad i'r Her Fiwrocraidaidd i:</p> <ul style="list-style-type: none"> • Sicrhau bod rheolaeth ar wenwynau yn effeithiol gan ddal i ganiatáu gwerthiannau cyfreithlon; na • Sicrhau bod baich yn cael ei roi yn briodol ar y rhai sydd mewn perygl o ddefnyddio'r sylweddau i achosi niwed.

Materion proses/rheoleiddiol

Mater	Ymateb y llywodraeth
<p><u>Gorfodi</u></p> <p>Roedd un ymatebwr yn bryderus nad oedd y camau gorfodi wedi cael eu crybwyll yn y ddogfen ymgynghori.</p>	<p>Bydd y Swyddfa Gartref yn datblygu hyfforddiant a chyfarwyddyd i'r Heddlu ar faterion gorfodi fel pryniannau prawf. Bydd arolygiadau ar fferyllwyr yn parhau i gael eu cynnal gan y Cyngor Fferyllol Cyffredinol.</p>
<p><u>Labelu</u></p> <p>Roedd ymatebwyr busnes yn bryderus am y gofyn i nodi bod defnydd sylweddau perthnasol yn cael ei 'gyfyngu' ar label y cynnyrch. Roedd y gofyn hwn yn cael ei weld yn anymarferol yn yr amgylchedd adwerthu modern.</p>	<p>Mae'r Swyddfa Gartref yn cydnabod y sialensiau i fusnesau os yw'n ofynnol iddyn nhw ail labelu cynhyrchion sydd wedi cael eu prynu'r tu allan i'r Deyrnas Unedig. Bydd y Llywodraeth yn ymwneud mwy â busnesau i ddatblygu cynigion effeithiol i ymdrin â'r mater hwn, sydd yn berthnasol i adwerthu i'r cyhoedd yn gyffredinol yn unig.</p>

<p><u>Dynodi trafodion amheus</u></p> <p>Teimlai cyflenwyr i'r cyhoedd fel archfarchnadoedd a siopau cyfleus bod y cyfarwyddyd yn oddrychol a bod angen ei egluro.</p> <p>Teimlai 73% o'r ymatebwyr busnes <u>na</u> fyddai rhoi adroddiad ar drafodion amheus yn eu hatal rhag gwerthu'r cynhyrchion dan sylw. Roedd cyflenwyr arbenigol a fferyllfeydd yn derbyn yn fras bod y cyfarwyddyd yn hawdd ei ddeall, ond roeddent yn cadarnhau barn yr adwerthwyr llai arbenigol y byddai angen mwy o fanylder. Nododd un ymatebydd bod y cyngor yn gyson â threfniadau busnes sydd eisoes yn eu lle.</p> <p>Gofynnodd rhai ymatebwyr am ragor o gyfarwyddyd ar weithredu'r gofyn hwn yn ymarferol.</p> <p>Roedd rhai ymatebwyr yn cynrychioli adwerthwyr mawr yn bryderus na fyddai rhai o'r dangosyddion trafodion amheus yn cydymffurfio â chyfraith Gwahaniaethu trwy dargedu annheg ar rai cwsmeriaid.</p>	<p>Mae'r Swyddfa Gartref wedi cydnabod y lefelau gwahanol o arbenigedd ar hyd cadwyni cyflenwi'r cynhyrchion dan sylw a'r angen i deilwrio'r cyngor yn ôl y math o gwmni. Bydd y Llywodraeth yn ymwneud rhagor â chynrychiolwyr y byd adwerthu i sicrhau bod cyfarwyddyd a deunyddiau hyfforddi clir, mewn iaith glir, ymarferol a pherthnasol ar gael i'r busnesau y bydd hyn yn effeithio arnynt. Byddwn hefyd yn ystyried gweithio gyda chymdeithasau proffesiynol a masnach perthnasol i ddatblygu codau ymddygiad wedi eu teilwrio i'r aelodau.</p> <p>Bydd y Comisiwn Ewropeaidd yn cyhoeddi cyfarwyddyd ar weithredu'r rheoliad Marchnata a Defnyddio Rhagsylweddion Ffrwydron yn fuan. Mae Llywodraeth y Deyrnas Unedig hefyd yn bwriadu cyhoeddi ei chyfarwyddyd ei hun i adwerthwyr, gweithredwyr eraill yn y gadwyn gyflenwi, ymgeiswyr am drwydded, cyrff gorfodi a gweinyddu i ymgorffori'r newidiadau arfaethedig i'r rheolaeth Gwenwynau.</p> <p>Bydd angen cynnal asesiad effaith cydraddoldeb. Bydd y cyngor a gyhoeddir yng nghyfarwyddyd Llywodraeth y Deyrnas Unedig yn cael ei wirio i sicrhau ei fod yn cydymffurfio â chyfreithiau gwahaniaethu.</p>
<p><u>Gweithdrefnau rhoi adroddiad am drafodion amheus</u></p> <p>Gofynnodd rhai adwerthwyr am ragor o gyfarwyddyd ar sut i ymateb i drafodion amheus a rhoi adroddiad arnynt mewn ffordd na fydd yn rhy feichus ac yn ddiogel.</p>	<p>Yn ogystal â chyfarwyddyd y Comisiwn Ewropeaidd, bydd Llywodraeth y Deyrnas Unedig yn rhoi cyfarwyddyd clir ar y system adrodd yn genedlaethol. Bydd hyn yn cynnwys un rhif cyswllt a thempled yn dynodi'r wybodaeth a fyddai'n ddefnyddiol i'r awdurdodau.</p>
<p><u>Gwirio trwyddedau</u></p> <p>Gofynnodd rhai busnesau am gyfleuster ar-lein i wirio dilysrwydd trwyddedau.</p>	<p>Bydd y Swyddfa Gartref yn rhoi ffurflen ar-lein lle gall yr adwerthwr ddewis cofnodi cyfeirnod y drwydded a manylion adnabod eraill y deiliad e.e. dyddiad geni i wirio dilysrwydd y drwydded mewn cymhariaeth â chronfeydd data'r Swyddfa Gartref.</p>

<p>Codwyd yr angen am gyfarwyddyd clir a hawdd gan y Llywodraeth yn aml.</p>	<p>Bydd Llywodraeth y Deyrnas Unedig yn rhoi cyfarwyddyd clir ar y system adrodd yn genedlaethol. Bydd hyn yn cynnwys un rhif cyswllt a thempled yn dynodi'r wybodaeth a fyddai'n ddefnyddiol i'r awdurdodau.</p> <p>Ystyriodd yr asesiad effaith gostau cofrestru trafodion trwyddedig yn ddyddiol. Mae'r Swyddfa Gartref yn awr yn meddwl y byddai'n fwy cymesur i'r adwerthwyr gofnodi manylion y trafodyn ar gefn y drwydded a rhoi adroddiad am unrhyw weithgaredd amheus yn ymwneud â gwerthiannau.</p>
<p><u>Gwerthiannau Rhyngrwyd</u></p> <p>Cododd rhai ymatebwyr bryderon am weithredu'r rheolaeth newydd ar werthiannau rhyngrwyd.</p>	<p>Bydd darparu system wirio trwyddedau ar-lein yn cynorthwyo i ddiogelu gwerthiannau rhyngrwyd.</p>
<p><u>Y Gofrestr Gwenwynau</u></p> <p>Roedd rhai adwerthwyr busnes i fusnes yn bryderus am y cynnig i dynnu'r gofyn i lenwi cofrestr gwenwynau.</p>	<p>Mae'r Swyddfa Gartref yn hollol ymroddedig i Her Fiwrocratiaeth y Llywodraeth i symleiddio rheoliadau a lleihau eu baich cyffredinol ar weithrediad busnesau o ddydd i ddydd.</p> <p>Rydym wedi gwneud ymrwymiad dan yr Her Fiwrocratiaeth, y byddwn, yn ogystal â thynhau'r rheolaeth ar sylweddau sy'n wirioneddol beryglus, yn lleihau'r baich ar adwerthwyr gan gadw rheolaeth effeithiol.</p> <p>Ond, oherwydd y pryderon a godwyd gan fferyllwyr, cyfanwerthwyr a rheoleiddwyr yn ystod yr ymgynghoriad, bydd y gofyn presennol i fferyllfeydd cofrestredig gofnodi trafodion sylweddau Atodlen1 mewn Cofrestr Wenwynau yn cael ei gadw.</p>

Materion gweithredu/hyfforddi

Mater	Ymateb y Llywodraeth
<p><u>Hyfforddiant</u></p> <p>Roedd adwerthwyr yn bryderus am y beichiau posibl y gallai ail hyfforddi staff i fod yn ymwybodol o'r gofynion newydd eu rhoi ar eu busnesau.</p>	<p>Mae'r Swyddfa Gartref yn bwriadu cefnogi hyfforddiant i staff. Bydd cynghorwyr diogelwch yr Heddlu Lleol yn gwahodd cynrychiolwyr i gyfarfodydd lleol i godi ymwybyddiaeth am reoleiddio. Bydd deunyddiau gwybodaeth yn cael eu darparu. Mae'r Swyddfa Gartref hefyd yn cydweithio gyda chydweithwyr o lywodraethau</p>


	Ewropeaidd eraill i ddatblygu offeryn hyfforddi ar-lein i adwerthwyr.
<p><u>Amser ymgyfarwyddo</u></p> <p>Roedd yr amser a awgrymir yn yr asesiad effaith yn iawn yn fras yn ôl yr ymatebwyr oedd yn cynrychioli sefydliadau cyflenwi arbenigol a fferyllfeydd. Teimlai adwerthwyr mawr fod yr amser angenrheidiol yn rhy fyr ac y byddai'n dibynnu ar rôl yr aelod o staff, y math o fusnes a'r nifer o gynhyrchion y byddai'r rheoliad yn effeithio arnynt.</p>	Bydd yr asesiad effaith cam terfynol yn cael ei ddiweddarau i adlewyrchu'r wybodaeth a dderbyniwyd trwy'r ymgyngoriad.
<p><u>Dynodi cynhyrchion yr effeithir arnynt</u></p> <p>Gofynnodd rhai ymatebwyr o adwerthwyr mawr am fwy o eglurder am ba gynhyrchion sy'n creu bygythiad. Mynegodd rhai ymatebwyr o'r byd adwerthu bryder am raddfa'r cynnyrch yr effeithir arnynt, y baich o ddynodi'r cynhyrchion yma a'r newidiadau cyson yn fformiwla cynhyrchion. Roedd cyflenwyr arbenigol a fferyllwyr yn meddwl bod yr amser a amcangyfrifwyd yn iawn yn fras.</p>	Bydd y Swyddfa Gartref yn gweithio gyda chynrychiolwyr masnach i'w cynorthwyo i ddynodi'r cynhyrchion sy'n dod dan gwmpas y rheoliad.

Materion eraill


Mater	Ymateb y llywodraeth
<p><u>Gwerthiannau busnes i fusnes</u></p> <p>Mynegodd rhai ymatebwyr bryder bod gwerthiannau busnes i fusnes tu hwnt i gwmpas y rheoliad.</p>	<p>Mae gwerthiannau busnes i fusnes yn dod dan gwmpas y gofynion rhoi adroddiad am drafodion amheus. Bydd y Comisiwn Ewropeaidd hefyd yn adolygu cwmpas y rheoliad yn 2017, yn benodol o ran a ddylai gwerthiannau busnes i fusnes gael eu cynnwys.</p> <p>Mae'r Swyddfa Gartref yn parhau i weithio mewn partneriaeth gyda chynrychiolwyr y diwydiant a chymdeithas masnach i wella diogelwch y gadwyn gyflenwi ar gyfer sylweddau sy'n peri pryder. Cefnogir cynlluniau hunan reoleiddio ac mae cynlluniau i weithio gyda chynrychiolwyr masnach ar godau ymddygiad newydd yn eu lle.</p>

Atodiad A - Crynodeb o'r Ymatebion


Adran 1 – Eich Manylion




Adran 2 : Cwestiynau i ddefnyddwyr gwenwynau Rhan 1 a 2 yn y cartref yn unig





What is the maximum you would pay before you are deterred from applying?





Do you also purchase Annex 1 or 2 chemicals from the marketing and use of explosives pre-cursors regulation? (Please see the consultation on the UK implementation of the European Union regulation on the marketing and use of explosives precursors). ...




Adran 3: Cwestiynau i fferyllfeydd cofrestredig sy'n gwerthu gwenwynau Rhan 1 a/neu Ran 2 i'r cyhoedd yn unig




Adran 4: Cwestiynau i fusnesau nad ydynt yn Fferyllfeydd yn unig




To what extent do you agree or disagree that this guidance is easy to put into practice?




Would the suspicious transaction reporting requirements deter you from selling / using / purchasing part 1 and / or 2 poisons?




Do you think the estimated time required for affected producer and wholesalers to familiarise themselves with the new requirements of 15 minutes is?



All businesses will need to check which of their products are affected. We estimate that this would take approximately 2 hours per business. Is this?



Adran 5: Cwestiynau i'r holl Ymatebwyr



Atodiad B – Rhestr o'r Sefydliadau a Dargedwyd

Association of Aquarists
Association of British Pharmaceutical Industry
Association of Convenience Stores
Association of First Aiders
Agricultural Industries Confederation
Association of Plumbing and Heating Contractors
British Adhesives and Sealants Association
British Aerosol Manufacturer's Association
British Association for Chemical Specialties
British Association of Beauty Therapy and Cosmetology
British Coatings Federation
British Dental Trade Association
British Firework Association
British Healthcare Traders Association
British Independent Retailers Association
British Plastics Federation
British Pyrotechnic Association
British Radio Car Association
British Retail Consortium
British Rubber and Polyurethane Products Association
British Rubber Manufacturer's Association
British Shooting Sports Council
British Spa and Pool Federation
British Tropical Fish Club
Builders Merchants Federation
Carwash Association
Chemical Business Association
Chemical Industries Association
Cosmetics, Toiletry and Perfume Association
Confederation of British Industries
Confederation of Paper Industries
Explosives Industry Group
Federation of Small Businesses
Garden Centre Association
General Pharmaceutical Council
Guild of Professional Beauty Therapists
Health Food Manufacturer's Association
Institute of Swimming Pool Engineers
Model Power Boat Association
National Association of Drainage Contractors
National Association of Street Clubs
National Hairdressers Federation
National Pharmacy Association
National Street Rod Association
Packaging and Films Association
Painting and Decorating Association
Performance Textiles Association
Pharmacy Voice
Pool and Water Treatment Advisory Group
Ornamental Aquatic Fish Trade Association
RAMPS UK Product Stewardship Organisation
Royal College Physicians Edinburgh
Royal Society of Chemistry
Royal Pharmaceutical Society

Sport and Recreation Alliance
Surface Engineering Association
Swimming Pool and Allied Trades Association
The Company Chemist
The Hairdressing and Beauty Suppliers Association
Tropical Fish Club
UK Cleaning Products Industry
UK Clinical Pharmacy Association
UK Fashion and Textiles Association
UK Pyrotechnics Society
UK Radio Control Council

[Nid yw ymatebwyr unigol a chwmnïau preifat wedi cael eu cynnwys yn y rhestr uchod]